



**ORGANO COLEXIADO: Pleno Corporativo.**  
**Nº DE SESIÓN: 6/2021**  
**CARÁCTER: Ordinario**

**ANUNCIO**

Con data 22 de novembro do 2021 o Sr. Alcalde ditou resolución do tenor literal que se indica:

**“RESOLUCIÓN DE ALCALDÍA.- CONVOCATORIA PLENO ORDINARIO**

Considerando que a actual evolución na contención da pandemia non exime aos poderes públicos o seu deber de «organizar y tutelar la salud pública a través de medidas preventivas y de las prestaciones y servicios necesarios» establecido no artigo 43.2 da Constitución Española para garantir o dereito á protección da saúde que reconece este artigo no seu primeiro apartado.

Considerando o disposto na Orde do 22 de outubro de 2021 pola que se establecen medidas de prevención específicas como consecuencia da evolución da situación epidemiolóxica derivada da COVID-19 na Comunidade Autónoma de Galicia e se modifica a Orde do 14 de setembro de 2021 pola que se aproba o novo Plan de hostalaría segura da Comunidade Autónoma de Galicia, na que se sinala:

*“.../... Mediante a Resolución do 21 de outubro de 2021, da Secretaría Xeral Técnica da Consellería de Sanidade, dáse publicidade ao Acordo do Consello da Xunta de Galicia, do 21 de outubro de 2021, polo que se declara a finalización da situación de emerxencia sanitaria no territorio da Comunidade Autónoma de Galicia, declarada polo Acordo do Consello da Xunta de Galicia, do 13 de marzo de 2020, como consecuencia da evolución da epidemia do coronavirus COVID-19.*

*A finalización da aplicación dos mecanismos extraordinarios derivados da lexislación de protección civil debe entenderse, naturalmente, sen prexuízo de que continúen sendo necesarias, mentres permaneza a pandemia, medidas de prevención de acordo coa lexislación sanitaria en vigor.*

*Neste sentido, a Lei estatal 2/2021, do 29 de marzo, de medidas urxentes de prevención, contención e coordinación para facer fronte á crise sanitaria ocasionada pola COVID-19, prevé no seu artigo 2.3 que «as medidas contidas nos seus capítulos II, III, IV, V, VI e VII e na disposición adicional quinta serán de aplicación en todo o territorio nacional ata que o Goberno declare de maneira motivada e de acordo coa evidencia científica dispoñible, logo do informe do Centro de coordinación de alertas e emerxencias sanitarias, a finalización da situación de crise sanitaria ocasionada pola COVID-19. O Goberno consultará as comunidades autónomas no seo do Consello Interterritorial do Sistema Nacional de Saúde con carácter previo á finalización da situación de crise sanitaria a que se refire o parágrafo anterior».*

*De acordo coa lexislación estatal, continúa, polo tanto, existindo unha situación de crise sanitaria. Isto determina, por exemplo, que siga sendo de aplicación o deber de cautela e protección establecido no artigo 4 da lei, de tal xeito que «todos os cidadáns deberán adoptar*



*as medidas necesarias para evitar a xeración de riscos de propagación da enfermidade COVID-19, así como a propia exposición aos ditos riscos, conforme o que se establece nesta lei». O dito deber de cautela e protección será igualmente exixible aos titulares de calquera actividade regulada nesta lei.*

*Deste modo, seguen sendo de aplicación as previsións desta lei sobre uso obrigatorio de máscaras, a regulación das distintas actividades e a distancia de seguridade interpersoal mínima. .../...*”

Considerando que a evolución da situación epidemiolóxica e sanitaria na Comunidade Autónoma de Galicia, en liñas xerais, mellorou nos últimos meses, a actual situación permite volver á celebración dos plenos en sesións públicas, se ben cun aforo do 50%, co fin de manter a distancia de seguridade interpersoal de 1,5 metros. A celebración do pleno deberá realizarse de forma axustada aos requisitos necesarios para evitar calquera tipo de risco de contaxio da enfermidade, polo que o uso da máscara será obrigatoria en todo momento e o público asistente deberá permanecer sentado.

Sen prexuízo do anterior, a publicidade da sesión plenaria e a debida transparencia quedarán garantida coa retransmisión da sesión en directo a través da radio municipal (á que se poderá acceder a través da páxina web do Concello de Tui), e a publicación da sesión plenaria na mesma, así como permitindo o acceso de medios de comunicación

Se fai notar que se realizará unha distribución dos concelleiros permitindo a debida separación entre eles, que se porá a disposición dos mesmos para o seu uso de máscaras e guantes, e que os concelleiros deberán ter en conta as recomendacións sanitarias establecidas na normativas de aplicación.

Polo exposto, esta Alcaldía, de acordo co disposto no artigo 46.2 b) da Lei 7/1985, de 2 de abril, Reguladora das bases de réxime local e o art. 80 do Real Decreto Legislativo 2568/1986, de 23 de novembro, polo que se aproba o Regulamento de Funcionamento, Organización e Réxime xurídico das Entidades Locais, RESOLVE:

**PRIMEIRO.-Convocar Sesión con carácter de Ordinaria do Pleno Corporativo** a celebrar o vindeiro **xoves día 25 de novembro ás 20:00 horas**, e dous días despois á mesma hora en segunda convocatoria en caso de non existir o quórum esixido na primeira, no Salón de Sesións da Casa do Concello e con carácter público, se ben cun aforo do 50%, co fin de manter a distancia de seguridade interpersoal de 1,5 metros, a fin de resolver os puntos incluídos na seguinte:

## **ORDE DO DÍA**

### **A) Parte resolutiva:**

1º.- Aprobación, se procede, do borrador da acta da sesión anterior núm. 5/2021 celebrada o 30/09/2021.

2º.- Toma de posesión de Alejandro Manuel Carrera Barreira á vista da credencial remitida pola Xunta Electoral Central (2021-E-RC-6155 do 23/08/2021).





3º.- Expediente 2441/2021. Ditame da Comisión Informativa de Contas, Facenda, Patrimonio e Persoal de data 18/11/2021, favorable á proposta de Alcaldía de data 10/11/2021, relativa á aprobación dos modelos de declaración de bens e actividades dos membros da Corporación.

4º.- Expediente 2463/2021. Ditame da Comisión Informativa de Contas, Facenda, Patrimonio e Persoal de data 18/11/2021, favorable á proposta de Alcaldía de data 15/11/2021, relativa á aprobación inicial do Regulamento polo que se aproban os criterios para a prestación de Servizos en réxime de teletraballo no Concello de Tui.

5º.- Expediente 2317/2020. Ditame da Comisión Informativa de Contas, Facenda, Patrimonio e Persoal de data 18/11/2021, favorable á proposta de Alcaldía, de data 18/11/2021, relativo ao acordo sobre a eficacia retroactiva dos efectos económicos da modificación da Relación de Postos de Traballo a 1 de xaneiro de 2021.

6º.- Expediente 2461/2021. Ditame da Comisión Informativa de Urbanismo, Obras, Contratación e Servizos Municipais de data 18/11/2021, favorable á proposta de Alcaldía de data 15/11/2021, relativa á aprobación inicial da ordenanza reguladora do estacionamento con horario limitado gratuíto (zona azul gratuíta).

7º.- Expediente 365/2020. Ditame da Comisión Informativa de Urbanismo, Obras, Contratación e Servizos Municipais de data 18/11/2021, favorable á proposta de Alcaldía de data 15/11/2021, de posta a disposición da Confederación Hidrográfica Miño-Sil, O.A. dos terreos precisos para a realización das obras relativas á construción dunha pasarela peatonal na desembocadura do río Louro.

8º. Expediente 2705/2019. Proposta de Alcaldía de data 22/11/2021, de adjudicación da concesión de obra pública para a redacción de proxecto, construción e explotación dun aparcadoiro soterrado entre as rúas Ourense e Compostela, e urbanización exterior da superficie existente sobre o aparcadoiro e reposición de servizos afectados pola execución do aparcadoiro.

9º.- Mocións de urxencia.

## **B) Actividade de control:**

10º.- Expediente 1426/2021. Dación de conta de información sobre morosidade e PMP - 2º Trimestre 2021.

11º.- Expediente 1427/2021. Dación de conta de información de execución trimestral do Orzamento Xeral 2021 - 2º trimestre. Comunicación información LO 2/2012.

12º.- Expediente 2337/2021. Dación de conta de aprobación da información referida ó custo efectivo dos servizos no Concello de Tui para o exercicio 2020.

13º.- Expediente 2338/2021. Dación de conta de información sobre morosidade e PMP - 3º Trimestre 2021.

14º.- Expediente 2339/2021. Dación de conta de información de execución trimestral do Orzamento Xeral 2021 - 3º trimestre. Comunicación información LO 2/2012.



15º.- Dación de conta de resolucións da Alcaldía de núm. 1484, de 27/09/2021 ata o núm. 1791, de 19/11/2021.

### **C) Rogos e preguntas:**

16º.- Rogos e preguntas.

**SEGUNDO.**-Notificar a presente Resolución aos concelleiros advertíndolles que, conforme ao disposto polo artigo 12.1 do citado RD 2568/1986, do 28 de novembro, deberán comunicar coa antelación necesaria calquera causa xustificada que implique a imposibilidade de asistir á citada sesión, e facendo remisión ás medidas e recomendacións sanitarias sinaladas na parte expositiva.

**TERCEIRO.**-Que pola Secretaría municipal se poña a disposición dos Concelleiros a documentación dos asuntos incluídos na orde do día, acompañando a convocatoria copia das actas das sesións anteriores que se sometan a votación, no seu caso.”

O que se publica para coñecemento e efectos.

En Tui, o alcalde.

Documento asinado dixitalmente á marxe.

